禮

写言

集

解

神明之也稱文知前都以與息允反處音臣神明之也稱文知音智味依註音沫亡曷反勁 禮記卷九 瑟張而不平竽笙備而不和有鐘磬而無箕虡其日明器 孔子曰之死而致死之不仁而不可爲也之死而致生之 不知而不可爲也是故竹不成用瓦不成味木不成斵琴 謂以禮往送於死者也往於死者而極以死者之禮待 **沐黑光也瓦不成沐謂瓦器無光澤也劉氏日之往也** 言神明死者也神明者非人所知故其器如此孔氏只 **弓上第三之三** 賜進士及第翰林院編修 無宮商之調無箕處不縣之也橫日鎮植日處神明之 鄭氏曰成善也竹不可善用謂邊無縢味當作沫不和 **乙是無愛親之心故爲不仁往於死者而極以生者** 万世の世長などし 國史館纂修孫希旦集

欲速朽有子日是非君子之言也曾子曰參也聞諸夫子 子游曰甚哉有子之言似夫子也昔者夫子居於宋見桓 也有子叉日是非君子之言也曾子日參也與子游聞 有子問於曾子曰問喪於夫子乎曰聞之矣喪欲速貧死 可馬自爲石椁三年而不成夫子曰若是其靡也 **有子日然然則夫子有為言之也曾子以斯言告於子游** 以神明之道待之也 鐘磬而無縣挂之築處不可擊也所謂備物而不可用 丽 黑光之沫木器則樸而不成其彫断之文琴瑟雖張弦 者竹器則無縢緣而不成其用瓦器則麤質而不成其 也備物則不致死不可用則不致生其謂之明器者葢 禮待之是無燭理之男故為|不智先王為明器以送| 不平不可彈也竽笙雖備具而不和不可吹也雖 アールージスプー 死不如

超遥反 根並同朝 丹有以斯知不欲速貧也有為于偽反下爲桓司馬為敬丹有以斯知不欲速貧也釋文問喪問或作聞喪息浪反 也背者夫子失魯司寇將之荆葢先之以子夏又申之 必載寶而朝夫子日若是其貨也喪不如速貧之愈也沒 子日然吾固日非夫子之言也曾子日子何以知之有子 日夫子制於中都四寸之棺五寸之椁以斯知不欲速朽 《欲速資為敬叔言之也曾子以子游之言告於有子有 魯得反載其實來朝於君中都魯邑名也孔子嘗爲之 孫名魋靡侈也敬叔孟僖子之子仲孫閱葢嘗失位去 非君子之言者質朽非人之所欲也桓司馬宋向戍之 聞也喪謂仕失位也魯昭公孫于濟曰喪人其何稱是 鄭氏曰有子孔子弟子有若也夫子卒後問此庶有異 朽之愈也死之欲速朽為桓司馬言之也南宮敬叔 一日/おとしょうでなかんり

誉不得稼孟子曰惟士無田則亦不祭士之失位也稽 為喪不欲速貧何也葢聖人雖不為旅而仕而仕者未 之之道也孔子之將仕於楚爲道也非爲寐也而以此 者將以觀楚之可仕與否愚謂問喪問失位而所以處 **將之荆者則哀公六年之荆亦是失司寇之後非謂失** 年月甚遠且失司寇之後嚮宋不嚮楚而云失魯司寇 寇也孔子失司寇在定公十四年之楚在庆六年其間 爲可徒司馬司空又有滅氏為司寇故知孔子為小司 從小司空爲小司寇崔所以知然者魯有孟叔季三 司寇之年卽之刜也陳氏澔曰將適楚而使二子繼往 **仕得禄也孔氏日崔靈恩云夫子為司空爲小司空也** 之荆将應聘於楚先之以子夏申之以冉有言汲汲於 宰爲民作制孔子由中都宰爲司空由司空爲司寇將 7 和記算解 发力

顾莊子死赴於魯魯人欲勿哭繆公召縣子而問焉縣子 可縣子日請哭諸異姓之廟於是與哭諸縣氏構文 鄭氏日 孫名伯愚謂雜記有大夫士赴於他國君之禮而莊子 **穆公召而問之脩脯也十 脡為束束脩徵禮尚]** 而不親哭為其分卑而恩族也縣子名瑣縣子知禮故 而茍禄而亦豈以矯語貧賤爲高乎 **乙赴魯人欲勿哭葢諸侯於他國臣之赴但遣使弔之** 侯之 道有愛而哭之有畏而哭之公日然然則如之 之大夫束脩之問不出竟雖欲哭之安得而哭之 「君無哭鄰國大夫之禮陳莊子齊大夫陳恆之 失國家也是故 三月無君則弔君子雖不狗

死其親 器示民有知也周人兼用之示民疑也曾子曰其不然乎 仲憲言於曾子曰夏后氏用明器示民無知也殷人用祭 其不然乎夫明器鬼器也祭器人器也夫古之人胡爲而 之義同 諸縣氏者因其禮之所自起也與孔子哭伯高於腸氏 伐之事以交接於諸侯也愛而哭之者出於情思而哭 言其無外交也交政於中國者言政在大夫專盟會征 外向其國此哭於異姓之廟者別於哭諸侯之禮也哭 容於不哭矣左傳魯為異姓諸侯臨於外杜預謂於城 民有知所謂致生之示民疑言使民疑於無知與有知 鄭氏曰仲憲孔子弟子原憲示民無知所謂致死之示 之者迫於勢齊强魯弱而陳氏專政於齊則其喪固] 乎 一門が言う角ラブ

丁狄儀有同母異父之昆弟死 異恭敬應 應鬼事 文言鬼與人 代送死之 用 夏殷之器示民疑惑於有知無知之間也曾子言 有 死其親乎若是無知則是 亦應敬事故棄用二 同毋異父之昆弟死問於子游子游日 [器不同者非爲有知與無知質文異也]夏 者以有用之器送之表示其有知也周世爺 堪用之器送之表示其無知也殷 《禮記集解卷九 、異故純用鬼器送之殷代質言鬼雖 器 無知者譏 用恭敬之器送之周家極文言亡者 非孔氏 也古謂夏時也 則餘從 器然周惟大夫以上 原憲言 義也憲言二 可知也 三言古人 工人大 與 雖 功 淝

問也辞 前聞也曆 昆弟 爲不同居繼父僅爲之齊衰三 鄭氏 從毋而嫁且爲父後者出毋且不服又 昆弟實非昆弟也絕族無施服毋嫁而從者爲之 衰者以昆弟之服服之也大功者視昆弟降 而其父毋則不服則必不從而服其子矣繼父有子則 之也然昆弟之名從同父而生一 也何服之有狄儀不可考公叔木衞 一功矣必不得已接同爨緦之義服之 爲繼父之 灰灰 子 一齊衰狄儀行齊衰今之齊衰狄儀之 ラブド 春秋作戍衞公叔文子之 又 可巳若不從毋者 為因毋前所生之子此雖名 月則必不爲其子服 一本之 則其所生之子 /親也同母異父 何異父同 视齊衰三 子思謂 一等而 | 秋期 為 祕 服

再时君子弗行也有其體有其財無其時君子弗行也吾 子乎觀禮子葢愼諸子思曰吾何愼哉吾聞之有其禮無 子思之毋死於衞柳若謂子思曰子聖人之後也四方於 **刊假哉群文益無音今按** 絕也故聖人不為制服 元成議是也愚謂喪服杖期音 也宣帝詔曰婦人不養舅姑不奉祭祀不下慈子是自 問父卒毋嫁何服蕭太傅曰當服周爲父後則不服韋 則雖欲愼之而無可愼也故曰吾何愼哉○漢召渠謙 子思自言其時之不得行禮者以答之益禮所不得為 子思之毋嫁母也嫁毋無服故柳若戒以不可不慎而 乃如此殊不可解也 弟之服乎魯爲秉禮之國三 元成日父没則毋無出義王者不爲無義制服故不服 プローン かったい 日本の 一子學於聖 人而其繆於禮

從者之服特言繼毋葢但言毋則嫌繼毋嫁而從 **嫁而從者爲之杖期則嫁而不從者必不亦爲之杖期** 矣降此則或爲茐親遞降之服或爲正尊親遠之服 **猶不服耳非謂因毋嫁而從者之服又有加於此** 得以父没爲母齊衰三年之服服之也喪服於毋嫁而 原而又有撫養之恩焉然後爲之服然猶止 其子則其與出毋之不得已而去者不同矣惟其夫死 **也嫁毋者父未嘗絶之而彼乃自絶於其夫且自絶於** 父卒繼毋嫁從為之服|而|不言毋嫁不從者之服 子幼無大功之親不得已挾其子以適 巳而去者也命之反則反矣猶未自絶於其夫與其子 服也出毋服嫁毋不服何也葢出毋者見絕於父不得 一層言身角名力 人則其情旣可 也母

縣子瑣日吾聞之古者不降上下各以其親燦 **虎齊該其叔父也爲孟皮齊衰其叔父也解字作樂爲天**及 日間は一下間北東解老九 **尊晔之各隨本屬之輕重而服之虎是滕伯文叔父孟** 出許多貴貴底禮數如始封之君不臣諸父昆弟 皮是滕伯兄弟之子滕伯是皮之叔父滕伯上爲叔父 從祖及伯叔之班下謂從子從孫之流彼雖賤不以已 鄭氏曰古謂殷時也上不降遠下不降卑伯文殷時滕 子曰夏殷而上大槪只是親親長長之意到周來又添 不降正耳般世以上雖貴不降賤也上 君也督為伯名文孔氏曰周禮以貴降賤以適降庶惟 下爲兄弟之子皆著齊衰是上不降遠下不降卑也朱 一謂刻親族曾祖

內易我死則亦然 律文易 后木曰喪吾聞諸縣子曰夫喪不可不深長思也買棺外 之子不臣諸父而臣昆弟期之喪天子諸侯絶大夫降 出來立爲定制更不可易 然諸侯大夫貸同則亦不絶不降姊妹嫁諸侯者則亦 易也此是孝子所爲之事非是父毋豫所屬託譏后木 所託孔氏日案世本孝公生惠伯革其後為厚氏世本 鄭氏日后木魯孝公子惠伯鞏之後買棺孝子之事非 木述之以語其子言我死亦當如縣子之言買棺外 思長處故買棺之時當令精好勁削外內使之 無名木者故鄭直云其後縣子言孝子居喪不可不深 不絕不降此皆天下之大經前世所未備到周公搜剔 云革此云鞏世本云厚此云后其字異耳惠伯之子孫 とりにはとりじ 一平易后

飢故 襲斂 男女 **斂帷堂旣敛而徹** 帷堂有二時 鄭 同在 也襲敛必動搖 日斂者動搖 愚調仲梁子疑即韓 子游曰於東方曾子 亂明矣 **西禮記集解卷九** 侧 飾故帷堂小斂 後買棺者豈謂貧而 M 微帷 未分堂 馮尸在 則將襲帷堂 帷 帷 此 上堂 據 制 恐人褻之 小敏徹帷之後則帷堂之不 襲敛時帷 恐人褻之言方 一鲵小斂 下之位 非書所謂仲梁 而徹帷仲梁子曰夫婦 於 固 2故帷堂夫婦方亂 西 不能 也然男女奉 而徹帷 斂斯席矣 而言也設飾 預具者 乜 亂 氏之儒 則將 也 與 仲 俠

縣子曰給衰總裳非古也履練鈴 有席 爲禮 子謂 鄭 故也至大敛尸已在柩而設奠 成 氏 布四升半者諸侯之大夫爲天子用之 本如此故記者言此以正之 亦非也末猶後也魯末禮失曾子見當時所行以 在西方非也小飲食無席是時尸 西方魯禮之末失也 日非時尚輕凉慢禮愚調絡麤為也總縷絡表總裳非古也凝練節歲布細而疎日 有席愚謂 凡奠於尸者必於其右象生人 曾子以俗說非叉大敛奠於堂 五服升數但以輕細為貴故以給為我 地 士喪體小斂奠於尸東尸南首 在室然後設席言小 以右手 在床床 此云 為齊周 食也 ·本有席 如 東 回 斂 功 曾

杜橋之母之喪宮中無相以爲沽也疑汝相息亮 子蒲卒哭者呼滅子皐日若是野哉哭者改之 皆須人相導杜橋毋死不立相故時人謂其於禮爲麤 屬非子浦之子哭其父呼波也 問喪云親始死扱上衽但言扱上衽而不言攺衣則前 弟子高柴孔氏日野不達禮也唯復呼名冀其聞名而 徐以豉反春文易音亦 鄒氏日波葢子蒲名野哉非之也唯復呼名子皐孔子 喪大記疾病男女攺服謂攺其養疾之元端而深衣也 鄭氏日浩循畧也孔氏日禮孝子喪親悲迷禮節事儀 反哭則敬鬼神不復呼其名愚謂此哭者益子蒲之尊 始死羔裘玄冠者易之而巳羔裘玄冠夫子不以 アロヨ Duning デンス

子游問喪具夫子日稱家之有亡子游日有亡惡乎 前者皆吉服以主人尚未喪服也主人旣成服則不以 日有毋過體苟亡矣敛首足形還非縣棺而封 吉服弔矣羔裘不以弔則弔衰皆襲蹙裘也 者改而素冠深衣也羔裘元冠吉服也吊於未成服 此巳 鄭氏日惡乎齊 不待三 冠者謂疏親不與於養至死而方以吉服至者也易之 深太而至此特极其衽明矣此始死乃有羔裘元 又加字母音無遠音旋樂音元封依註作人稱尺證反亡皇如字一音無惡音鳥齊才 **那言為為人人力** 問豐省之比還之言便也言已飲卽葬 封不設碑経不備禮封當爲穵 司墓之室有當道者毀之則朝云左傳昭十二年與簡公卒將 人豈有

司 者謂 財 **葬雖無碑而用絳以別棺使人卻行而下之縣棺而穹** 謂衣衾足以羰形體而巳襲不必三稱小敏不必十 母過禮者不 乙所當爲極其力之所能爲者具之而巳力之所不能 也此所言謂甚亡者之禮然也其餘則亦各視其禮 不可以爲悅茍必期於備禮則將有取之以非義 毋以葬毋者矣亦豈 不用練而卻行下棺但以繩縣棺而下之庶人 固不之責也葢君子雖不以天下儉其親然無 必三十稱也還葬敛畢卽葬不待三 人思謂稱隨也亡無也齊謂厚薄之劑量 可以富而踰禮厚葬也敛藏也飲首足形 所以安其親哉 游日諾縣子聞之日 一月也

宋襄公葬其夫人薩薩百甕曾子日旣曰明器矣而又實 鄭氏日 **實蓋以官爲氏者** 以答之子游不據禮以答而專輒許諾之如似禮出於 言諾非也叔氏子游字孔氏日案喪大記始死廢牀 **公十六年猶有襄夫人在此云宋襄公葬其夫人者葢** 子游汰自矜大也叔氏子游别字也凡豁禮事當據禮 遷尸及襲皆在於牀當時失禮襲在於地故司士賁告 人器孔氏日案春秋宋襄公卒在僖公二十三年至文 鄭氏日言名之為明器而與祭器皆實之是亂鬼器與 已然是自矜大故縣子聞,而饑之愚謂司士夏官之屬 取夫人晉子不譏其器之多但譏其實爲非益明器 |請襲於牀時失之也禮唯始死廢牀當言禮然

武 喪者 獣子さ 鄭 四方之期 家於喪 用鬼器 膊布歸 之喪使其 實 侯以司徒 左傳昭二十四年叔孫 乃司徒之旅也故主爲 日獻 器 則
分
牛
以 與祭器皆實是敵鬼器 故 司徒旅歸四布夫子日可也 布時人皆貪善其能亷愚謂周禮宰夫諸 子魯大夫仲孫蔑旅下士也 侯 旅 者以喪用之 、旣夕禮云甕三醯醢屑又云無二醴 籴 兼家宰 帥 用鬼器 質之殷人專用人器則分半以虛 氏以爲國之 有司而治之宰夫在天子爲冢宰 則宰夫屬於司徒其治 人器則空鬼而實人夏后氏 |徐翠其人也可也者善其| 孟氏歸 司徒熊氏以爲家臣之 與人器也 四布四布謂 司徒使 戾旣有司馬 一無祭 也

讀贈曾 郷氏 徒爲家臣司徒敬子又謂魯司徒爲季氏季氏無諡敬 有司 徒但此 疾慶逍入請日子之病革矣如至乎大病則如 其禮之繁也 告古謂殷時也殷禮不讀聞至周禮始有之而 命是已告於死者矣至將行而又演之故曾子 人之史當極東前束讀之也然致聞之賓奉幣 思謂以車馬送死者曰賜讀贈謂書開物於方 此駁皇氏之說案記但言司徒初不言司徒敬 日吾聞之也生有益於人死不害於人 如此殊不可解也 而讀照賓致命將行主人之史又讀之所以 也是再告也 司徒有旅則疑國之司徒耳孔氏以 /吾縱生

賓客至無所館夫子曰生於我乎館死於我乎殯 **葬我焉釋文遺于季反叉 接下當有如之 建文衎苦旦**反 夏問諸 鄭氏曰成子高齊大夫國成伯高父也遺慶封之族革 如此衎爾和適之貌 葬尚儉葢近於墨氏之意然以視夫樂瑕戶而欲葬爲 急也不食謂不墾耕愚謂大病謂死也子高之爲人薄 論語曰朋友死無所歸於我殯葢生而無所館則館之 君毋君妻皆服齊衰不杖期然恩義則淺矣故居其喪 **石槨而三年者不亦賢乎** 夫子日居君之毋與妻之喪居處言語飲食衎 不體記集解影九 5死害於人 何子日字日字日 得貌為小君喪惻隱不能至陳氏澔 (乎哉我死則擇不食之地而 十十二

以飾身棺周於衣椁周於棺土周於椁反壤樹之哉釋 禮孔氏日子高之意 鄭 子高日葬也者藏 周禮之法愚謂衣足 深邃不使 已不必多也棺周於衣椁周於棺言僅足以周其 一不必大也周禮典瑞斂尸用圭璋壁琮之屬朱子 而殯客死於館 氏日國子高成 而 公要是未思量耳葢椎埋發冢之事周公時尚未有 無所歸 人知不當 則確 子高 也藏也者欲人之弗得見也是故 而使之 聘禮賓入竟 以飾身言僅足以飾身使勿露 更封壤種樹以標之意在於儉 以人死可惡故備衣衾棺椁欲其 也成諡也子高意在於儉非 就而務焉館人之禮然 m 地

昔者夫子言之日否見封之若堂者矣見若坊者矣見若 覆夏屋者矣見若斧者矣從若斧者焉馬鬣封之謂也今 人與人之非聖人也子何觀焉釋文無爲田反○案與字 孔子之喪有自燕來觀者舍於子夏氏子夏日聖人之 夏以為聖人葬人則事皆合禮人葬聖人則未必皆合 日|而三斯板|而已封尚行夫子之志乎哉難力報反。 於體也蓋證辭 其子夫子尙往觀之孔子之葬燕人來觀亦其宜也子 王氏蕭日若聖人之葬人與則人庶有異聞若人之葬 有其端與 如此亦若有預防及此者豈陵冢發掘之鴯當時已 與凡人何異而子何觀之陳氏端日延陵季子葬 上何今從之 一人地立記表評をと

墳成而巳止其封也板廣二尺三板斜殺惟高四尺耳 築之土與板平則斬斷所約板繩而更置三徧如此則 屋名為夏屋漢時門編為兩下之形故鄭舉漢法為况 四注般人始爲四注則夏后氏屋但兩下爲之故兩 公彦日衆匠人夏后氏世室殷人重星四阿鄭云四阿 其縮也三斬止之茐殺葢高四尺其廣袤未聞也賈氏 若斧者馬鬣封俗間名板葢廣二尺長六尺斬板謂斬 **易殺刃上而長孔子以為刃上難登狹叉易爲功故從** 長覆謂茨瓦也夏屋今之門庶也其形易廣而卑斧形 鄭氏日封築土爲壟堂形四方而高坊形易殺平上 稱馬鬣對以語之馬駿鬣之上其肉薄封形似之三斬 **孔氏日子夏言夫子欲從若斧者恐燕人不識故舉俗** 板者築墳之法側板於兩邊用繩約板令立內土板中 アルララクタイフ

婦人不葛帶 變之婦人則變首絰而要絰不變葢帚人質於所重者 首婦人重要喪王卒。哭而變麻服葛男子首經要經皆 敖氏繼公日婦人指五服之親言也間傳云男子重首 **總麻者卒哭旣退而除之愚謂帶要絰也凡絰男子重** 婦人重要婦人質故於其所重者有除無變其三年者 坿益不與原葬墳同 馬鬣封之形不止於三板孫據當時所見其墳或後 有除無變也五服皆然注疏惟據齊斬婦人言之非心 至小碎而除之齊衰期以至小功則皆終喪而除之其 此言婦人不萬帶少儀云葛絰而麻帶一 門外西墳四方前高後下形似卧斧高八九尺全無 **尽禮記集解老九** 后,由北之衰則未聞也孫師 工虞記婦

既葬各以其服除 **有薦新如朔奠** 首經不說帶皆非專為齊斬婦人言也婦人雖不葛帶 桃是也殯後朝夕奠醴酒脯醢而巳朔奠視大敛土 新以五穀爲主而氣及他物若月合以雖當聚羞以合 朔而不望敖氏繼公日新謂穀之新熟者也春秋傳云 故帶五分之一乃得與其絰爲大小之差也 **殮宮其禮與朔奠同也** 若時果物新出者孔氏曰大夫以上朔望大奠若士但 鄭氏曰重新物爲之盛饌又士喪禮註曰薦新薦五穀 特牲三鼎其禮盛象生人朔食則盛饌也若薦新穀於 不食新矣少儀云未嘗不食新皆指五穀而言思謂薦 而其受服之經大小與初喪之帶同卒哭之帶必去其

君卽位而爲裨歲 池視正舊海文 覆鼈甲之下織竹爲之形如籠衣以青布以承鼈甲名 象宫室池象重壳方面之數各视 諸侯四进去後餘三大夫惟前後二 從木中而電於地故謂為重酯天子四注四面為重點 宮中有承輩云以銅爲之 之為池重雷者屋承露也以木爲之屋雷入此木中又 宮之飾也柳宮象也以竹爲池衣以青布縣銅魚焉今 謂旣葬各以其服除者謂旣葬卒哭則總麻除服小功 上亦皆除其重服而受以輕服也 氏日卒哭當變鼓麻者變之或有除者不視主 「池如屋之有承雷也承雷以木爲之用行水亦 /曲回孔信/开发工 反重 一漆之城馬驛 孔氏日池柳車之池也在車 確 猛 在前柳

復楔齒綴足飯設飾惟堂並作翠文換悉節反 **藏焉棺中不欲空虚如急有待也故藏物於其中** 事于房中質貝于笄實米于筐餜于西序下皆在沐紗 年一漆示如未成也惟云漆杝則知不漆杝棺外屬等 齒級足乃帷堂叉沐浴乃合而襲此以復楔齒綴足飯 **劈然也人君無論少長體尊備物故卽位而造此相毎** 設飾帷堂爲次者蓋含襲雖在帷堂沐浴之後而陳態 並作者謂以上諸事一時並起也案士喪禮復後而楔 **諸侯也言諸侯則王可知椊杝棺親尸者漆之堅强甓** 足以燕凡級死者之足合著種不辟戾也飯以米貝實 復招魂也楔齒以角捆柱死者之口使合時不閉也綴 死者口中也設飾謂襲也惟堂張惟於堂上也作起 ビ派言学のイナ 漆之岩未成然藏焉虛之不合孔氏

父兄命赴者 君後於小壌大壌小虺大腫庫門四郊 廟大祖大廟也庫門諸侯之外門也始於小寢而終於 也天子小瘊五正寝一諸侯小寢二正寢 南 自門以 孝子喪親悲痛迷亂故凡赴告之人皆父兄爲命之惟 亦自門以內廟及寢而已愚謂小寢燕寢也古 **赴於君則親命敬君也士喪體乃赴於君主人西階東** 而微帷则在小敛之後故退在下以見意 面命赴者拜送是也 故以飯設飾繼楔齒級足言之帷堂雖在飯合前 內廟及寢而已婦人無外事自王后以下復處 學者求之備亦他日所當有事賈氏公彦日尊 備故凡當所有事之處皆復焉卿大夫以下復 で置む其解けい **大寝正**

喪不剝奠也與祭內也與釋文剣邦角 之與 則巾之也士喪禮叉云始死脯醢醴酒奠於尸東無巾 喪禮小敛陳一鼎旣奠於尸東祝受巾巾之是有牲 脯醢之奠不巾孔氏日剝猶倮露也喪奠脯醢不設巾 乘車建級復於四郊隸僕復於小寝大寢祭僕復於 以其在堂恐塵埃此脯醢之奠不巾者據室內也患謂 巾也案旣夕禮朝廟之奠巾之此亦脯醢之奠巾之者 鄭氏日剝猶倮也有牲肉則巾之爲其久設塵埃加也 廟諸侯復於庫門則天子皐門亦當復矣其亦夏采爲 又殯後朝夕奠脯醢醴酒如初設不巾是脯醢醴酒 可得保露與語辭謂喪不保露奠者爲有牲肉也案十 四郊自內以及外也周禮夏采掌以冕服復於大 一門 一川 一日 イスタース 廟 肉

父母之喪哭無時使必知其反也 朝奠日出夕奠速日 **受發旬而布材與明器 逮日及日之未入也朝夕奠以象生人之朝夕食生-**喪旣殯以後未葬以前每日朝夕設奠於殯宮速及也 門外是也 鄭氏日謂旣練或時爲君服金革之事反必有祭孔氏 鄭氏曰木工宜乾腊且豫成材椁材也孔氏曰布班也 日巳出|而朝食日未入|而夕食故奠之時亦放之 **木預暴乾之士喪禮筮宅吉左還檸獻明器之材於殯** 但有脯醢則脯醢與醴酒皆不巾以其醴畧也 一日而班布告下覓檸材及明器之材或云布其 則性內與體酒皆中之以其禮盛也無性內 77曲部門に言う中心に

練練衣黃裹線綠葛要經經屢無約角塌鹿裘衡長祛祛 哭或一 告反必面之義也 **也反還也為使還家必當設祭告親合知其反亦出必** 鄭氏日小祥練冠練中衣以黃爲內經爲飾黃之色卑 除朝夕哭之外廬中思憶則哭三是小祥之後哀至則 於纁縓纁之類明外除瑱充耳也吉時以玉人君有瑱 之後也使謂君使之也旣小辭可爲君使禮運云三年 **衡當為橫字之誤也祛謂 髮綠缺口 也練而爲裘橫唐 乙喪期不使公羊傳亦期不使期內不使則期外可使** 日哭無時有三種一是未發之前哭不絶聲二是殯後 一日二日而無朝夕之時也此云哭無時謂小群 反夠其俱反與此種反衡依註釋文經元組反緣悅稱反要經 二十八月 司男角名オー 作横華彭反下大結

角為之冬時衣裹有裘吉時貴賤有異喪時 首経惟餘要経也繩層者謂父喪营殿卒哭受齊衰 非 絲色綠謂中 綠外也明其外除故飾見外也葛要經者小祥男子去 正服但承衰而已故小群而爲之黃裕裏也線爲 **光耳人君吉時用玉爲之初喪亦無至小祥微** 為中衣黃裏者黃為中衣裏也正版不一 一小群受大功繩麻履也絢屨頭飾也吉有喪 之鹿皮白色與喪相宜也衡橫 人體記集解密ル 衣飯及聚緣 短袂又無祛 而著練冠練中衣故 也裏用黃而領緣用線者 也 過調小祥謂之練者 至小姅稍飾 可知吉時露 也祛衰緣口 日練 則 可變中 則 也練 同

中衣有襄則吉服中衣有裏可知葛要經者卒 無采至是而漸飾 差飾也縓淺絳色爾雅 功繩麻履為母始喪藨屨卒哭受以大功 衰始喪菅屢卒哭受以不杖齊衰之疏履旣練 服葛至練除首絰而要絰猶在也繩廢大功之 之而染爲縓色葢吉時中衣之緣皆以采色爲之始喪 服傳日帶緣各視其冠練中衣之緣亦用其冠之 衣也爲父 灰爲父小祥冠 數與衰同而加灰練之又染為黃爲之裏以其 日小祥以其冠言之日練練衣者練大 小辦衰七升為母衰八升皆不練其 八升為毋冠九升皆 也喪冠不練故喪服 也中衣與深衣同制然 一染謂之縓緣中衣之 深衣禪 ~綠也 在 腰也 布為 內 而練

遠兄弟謂不同居者也三年之喪不以弔惟兄弟之喪 **殯聞遠兄弟之喪雖緦必往非兄弟** 以裝為常有為焉則袒小祥裘旣有袪差向文飾則 鄭氏日兄弟必往親骨肉也雖鄰不往疏無親也愚 是也前此雖已有裘而短狹無袪至練而橫廣之 雖總必往葢以已爲之有服而往哭之非弔也雜 裼而露其中衣亦可也 為之、貶於吉也裘之秧口以他物飾之詩言羔裘豹祛 可也者裼爲見美吉時以裼爲常有爲焉則襲喪事 又節其祛也楊者袒上服之衽而露其中衣也祛 玉大夫士以石之似玉者初喪去瑱練貴賤同用角 年之喪雖功衰不弔如有服而將往哭之則服其服 也絢屢頭飾也喪屢無絢去飾也瑱吉時人 アン出まするまではたら、こ

所識其 四者皆周 皇氏 識也知生者弔故所識之人其兄弟之不同居者死皆 最在內而被體也二牛之皮堅而耐溼故 用之以為親 往而弔之 |此與數席之重數同水兕革棺葢以木爲幹以水 物愚謂天子之棺四重者一物爲一重四物 往 日此别更起文不連有殯之事愚謂所識謂所 兄弟不同居者皆弔 椴杝梓柏一 皮為之表裏合之而其厚三寸也被之者言其 度厚薄日厚皆同此音地羊支釋文重直龍反被皮寄反厚胡 7 浦 前 身 角 名 大 水兕革棺被之其厚三寸杝 |柏四重尙深邃也杝棺所謂椑棺也| |所謂屬與大棺周||市也凡棺用能 反豆 棺 反 梓棺 知

棺束綿二衡三衽毎束一 、寸屬六寸稗四寸上大夫大棺八寸屬六寸下大夫棺 棺宜一尺併屬六寸牌四寸水兕革棺三寸凡厚! 廣中央小似深衣之衽故名焉鑿棺身與葢合際處作 **坎內小麥其中以連之衽與束相值每束之處用** 鄭氏日衡亦當爲橫在今小要愚謂古棺無釘用皮束 身之棺杝棺即椑也以杝木為之梓棺謂屬與大 三寸也 以梓木爲之四者皆周言其皆并有底葢也上言四 三以固棺之兩茐與底葢之材也衽小要也其形兩頭 乙縮縱也樂者二以固棺之首尾與底葢之材也橫者 六寸屬四寸士棺六寸是大棺皆以二寸為差天子 而下言四者此 で変化を呼ばれ 物馬 ○ 鄭註 衽或作漆或作象 重明矣喪大記日君大棺

柏椁以端長六尺 **椁材並從下壘至上始爲題奏奏嚮也言木之頭相** 諸侯松大夫柏士雜木鄭註方相職云天子椁柏黃腸 為差則天子大棺 與上大夫 為裏而表以石焉端猶頭也積柏材作椁並葺材頭也 而作四 鄭氏曰以端題奏也其方蓋一 尺者以庶人 八記君 横 阿也長六尺者毎段長六尺而方一尺知方 三也此謂天子棺制也諸侯亦然喪大記君 アニアイス 、四寸之棺五寸之椁椁厚於棺一 八寸則天 可相八 、
寸大夫士
六寸
庶人
四寸毎以
し 尺也以椁厚於棺 子之大棺或當九寸愚謂諸侯 尺孔氏日天子椁用柏 一寸差之則棺 寸缘喪

天子之 服王為諸侯經衰此謂巡守所至遇有諸侯之喪或諸 服之服故哭諸侯亦用之士弔於未成服之前朝服加 赴於王而哭之則聞喪卽哭故用未成服之弔服也哀 侯來朝薨於王國而弔之於成服之後者若薨於其國 **經諸侯犬夫戌弁加経天子爵弁服加徭禮之差也司 経弔服之葛經也爵弁紂衣而加絰葢天子弔於未成** 緇同黑色帛也爵弁豺衣卽周禮司服所謂韋弁服也 問愚謂哭諸侯謂遥哭之也爵弁以爵色韋爲之豺與 **乙非也哀戚之事不可虛爲之不以樂食葢謂殯斂之** 日服士之祭服以哭之明為變也或日使有司哭 一一一一一一一一一一一一一 為于偽反作名人 、經紛衣或日使有司哭之爲之不

朝觐 與 哭不舉 故其降役如 暫葢諸侯雖 樂諸侯薨令去樂大臣死令弛縣弛縣者 爲位而哭之也爲之 外朝莫哭者哭諸侯亦如之則諸侯與王有服者 明矣丙宗大喪 孔安國 〇陳氏祥道 會同則為上 我如 非可代為之者或言使有司哭之 樂其爲諸侯 一必在既殯さ が一部言身角光力 拿弃也則爵弁郎韋弁耳古 此王爲公卿當如諸侯之爲卿大夫比卒 **尊然其為人泉而其情亦視** 合手然韋其質爵其色也敖氏繼公 序哭者哭諸侯亦如之 相 士之服 溢此 王哭諸 不以樂食此叉記者之言也大 後蓋即以聞喪之 殯不舉樂與諸 止於爵弁而荀卿 ·侯亦如· 外宗大喪敘 則非使 菲 侯之 文弁字象形 日曾 久而去樂者 內臣為稍 也 為之 士韋弁 喪赴告 代哭 內

框也與郵政倫反 天子之殯也嵌塗龍輔以椁加斧于椁上畢塗屋天子之 此為上服而服之以助祭焉 與戎韋弁之尊次於冕故軍事服之士不得服冕則以 禮爵并亦配蘇幹是爵弁郎韋弁明矣國之大事在祀 升服詩云蘇幹有爽以作六師是韋弁服配蘇給士 **棘為龍斧謂之黼白黑文也以刺繡於穇幕上加存** 四面塗之故云茧塗也龍輔者殯時用輔車載枢而書 以爵名豈爵卉果以韋爲之 經傳物色之言聞 **棘為龍也以存者亦題奏菆木象椁之形也斧謂繡 獲棺已乃屋其上盡塗之** 鄭氏曰黃木以周龍楯如椁而塗之天子殯以輔車 7年代年代1月日1日 、孔氏曰菆叢也用木菆棺 韓爵韋耳若 與愚謂司服云凡兵事韋 布與絲 則不

塗之也愚謂菆塗龍楯以椁者天子之殯以龍輴載柩 夫元冒黼殺士緇冒蘋殺自小敛以往用夷衾夷衾質 開以棺衣從椁上入覆於棺故云加斧於椁上也畢塗 殺之裁猶昌也是君之夷衾畫黼也既夕禮幠用夷衾 会以覆棺其上 其外菆木四周象葬時つ 屋者畢盡也斧覆旣竟又四注爲屋覆上而下四面盡 也天子椁有四阿其苗塗象椁亦爲四阿可知 下象屋之形也左傳宋葬文公椁有四阿言其僭天子 乃以木題奏而盡塗之屋者言其題奏之狀中高而四 明矣畢塗屋者苗木與棺齊以夷衾從椁上入覆於棺 賈疏云夷衾本擬覆棺故敛不用則殯時用夷衾覆棺 棺之衣為斧文也先鼓四面為椁使上 に元言事角名け 一畫為斧文也喪大記日君錦昌黼殺大 一與棺齊而上

唯天子之喪 禮朝夕哭婦人 大夫。父兄子姓立於東方有司庶士哭於堂 外宗哭於堂 説 面來兄弟堂 在其後西面婦 人坐於西方內命婦姑姊妹子姓立於西方外命婦 面 門西 之語侯而爲哭 來時朝 氏日使諸侯 不哭主人拜賓汤三右邊 外 70 地区 电影 10 地 有别姓 面東上 即 同 **、伙牀東面親者在室衆婦人戸外** 位也喪大記旣正尸子坐於東方卿后位愚調别姓而哭謂分别同姓異 面此未小敏以前之哭位也又士 其南南上賓繼之世 位於堂南上哭丈夫郎位於門外 西方東面北 同位愚調别姓而哭謂分别同 姓異姓庶姓 而哭 彼璱 到文 入門哭婦 上主人卽位辟門婦 相 從 而 爲 門東北面 兴 下北 位别於 面 喪 世

則同 侯 與士禮大畧不殊則朝夕哭位亦然其異者士禮 然諸侯朝夕哭位雖不可考然未小剱以前諸侯哭位 位宜亦與諸侯以下無異此之别姓而哭惟 爲鄰國吊賓之位士禮丈夫外兄弟卿大夫各不 南諸公門東少進他國之異爵者門西 而諸侯則諸臣西 不言者從 方東面者士也士在門外在西方東面 位在諸侯當爲寄公之位士禮門西 公誄孔戶日天不遺耆老莫相予位焉嗚呼哀哉尼 以下皆無别姓而哭之法也天子之喪公卿大 直 姓者在門東異姓者在門西而皆東上也 東序西面兄弟皆卽位如外位 ij が信は角ラ 知也 此雖朝夕哭位其實自小敛以後 面立位皆北上而統於君耳足 則在 少進 位位 在諸 門外之 諸侯之位 門內亦 侯當 闁 自 柑 西

國亡大縣邑公卿大夫士皆厭冠哭於大廟三日君不舉 或日君舉,而哭於后十 **熒佘在瘚嗚呼哀哉尼父無自律子贛日生不能用死** 孔子曰旻天不弔不憗遺一老俾屛子一人以在位凳 鄭氏日軍敗失地以喪歸也厭冠今喪冠其服未聞后 大夫受郡公四命之孤也厭冠葢卽素冠其制厭伏與 而誄之非禮也稱一人非名也與此所載不同大約 弓所載與左氏|不同者皆當以左氏為確 無諡而為謀謀之不必有諡於此見矣按左傳哀公誄 社也愚謂縣邑之大者左傳克敵者上大夫受縣 文相息亮 無助我之位者傷之之辭也足父孔子之字也孔子 孔上者君臣之辭也耆老詢孔子相助也言孔子死 見虚記集解を允

孔子惡野哭者解改惡 主車下篇云軍有憂則素服哭於軍門之外則此厭冠 舉者非也 言君舉而自往沚中哭之以泚主土故也應氏鏞曰日 哭於大廟者以土地人民受之先祖故也后土社也或 羣臣皆厭冠哭於大廟三日君又為之三日不舉也必 當素服明矣殺牲盛食日舉軍敗失地以喪禮處之故 喪冠同也其服則素服周禮大司馬師不功則厭而奉 家而哭於野是惡凶事也所知當哭於野又若奔喪者 者行歌哭於國中之道者張子曰有服者之喪不哭於 鄭氏日為其變衆周禮衛枚氏掌禁點呼歎嗚於國中 得不哭於道 人如稅人則以父兄之命權文稅

士備 定。突擊臣朝夕即位 而后朝夕踊 以以物助人喪事即所謂賻也 口備盡也國君 他國之 為畢愚謂士喪禮朝夕哭 南路公門東少進他國之異虧者門西少進敵 哭必待諸臣皆入列位乃 升自阼階丈夫踊是主人待泉賓畢入乃拜 一 とうとう いっかいのかけいない 丙別不 東 已而當遺者則稱父 冢财也税謂 | 賓凡異爵者拜諸其位徹者盥於門外 序西面兄弟皆即位 可專家財 之喪嫌主人哭入則踊孔氏曰 哭踊 踊須相視為節嗣君雖 俱踊 兄之命而行之愚謂 不可私恩惠或有情 如 澔 也士卑最後故 八門哭 位卿 婦 者身 國

群而編 是月醰徙月樂 鄭氏 也〇愚謂祥之日鼓素琴而尚未可歌也踰月而可以 **婚未能歡徙月之** 日著之 鄭氏日稿冠素紕也孔氏日祥大祥也稿稿冠也大祥 、賓畢乃踊也嫌人君尊或不待羣臣畢入而踊故明 樂作矣此除喪作樂之漸也 作禮之正也孔子五日彈琴自省樂哀未忘耳踰 而尚未備縣也頑而縣而猶未作也踰月 以歌皆自祥踰月所爲也旣禮始得備樂而在心 日言譚明月可以 國刑司身所名力 一樂極歡也哀殺有漸是以樂亦隨 用樂孔氏日鄭志日旣禪徙月 7 而金石

一种的原理的				加恩則有賜之以帝者也	大夫以上皆有來幕人自以其職共之	掌次凡喪王則張 帝三重諸侯再重孤卿大夫 不重是	以上幕人職供馬愚謂周禮幕人掌始	鄭氏日帝幕之小者所以承塵賜之即	君於士有賜帝釋文帝
					共之士本無來君所	更孤卿大夫不重是	军帷幕幄亦殺之事	乙則張於齊上大夫	

遭記を九終

醴 君之適長殤車三乗公之庶長殤車 記卷十 載皮弁服道車載朝服桑車載裝笠左傳齊葬莊公下 之大功之殤中從上愚謂凡遣車無直言車者此車謂 弓下第四之 君之適子降於君車宜五乗殤降於成人故三乗庶殤 以此差而上下之則天子十二乘諸侯七乗大夫五乘 車七乗說者謂齊舊用上公禮車九乘故以七乘爲 生時所乘葬時用為魂車者也士喪禮薦車三乗乗車 乗長殤三乗下殤一 賜進士及第翰林院編修 鄭氏曰皆下成人也自上而下降殺以兩成人遣車五 乘釋文道 7曹 巴美州公十 反下同乗絕證反丁歷反下適室同 乗尊卑以此差之庶子言公卑遠 國史館纂修孫希旦集解 乗大夫之適長殤

公之喪諸達官之長杖 得以杖即位矣此達官之長杖也喪服傳曰公士大夫 之喪大夫寢門之外杖寢門之內輯之特輯之而 杖而日諸達官之長杖者謂以杖即位也喪大記曰 此達官而非長則不杖也C 有位於朝者日達官達官之長謂大夫也達官爲君皆 之殤皆一乘與 爲一等君之適中下殤車皆一 以夏后氏之堲周葬中殤下殤則送死之物中殤下殤 於成人故一乘也上篇云周人以殷人之棺椁葬長殤 降於適殤故一 之喪眾臣杖不以即位則諸侯之士杖不以即位可知 乗以下不容復降則公之庶中下殤大夫之庶殤亡 一乗大夫適子降於大夫車宜三乗殤 註謂有官職而不達於尹 乗也然葬必有魂車自

君退朝亦如之哀次亦如之稱这朝 君於大夫將葬弔於宮及出命引之三步則止如是者三 之時也次孝子居喪之所次舍廬堊室之處也士喪禮 也弔於葬者必執引君尊故使人引之以致其意毎引 之也出謂柩出廟門也命引之者命人執引以引柩車 宫柩所朝之廟也将葬弔於宮謂葬日柩將行而君弔 爲程齊衰三月而巳安得與公卿大夫論其杖不杖之 主人揖就次是也哀次者柩至次則孝子哭踊以致其 三步三引則九步也禮成於三朝謂葬前一 君為府史之屬亦非也府史之屬特庶人在官者耳其 則不吸斬非也既有官職豈有不服斬者疏謂不達 **一喪禮乃行踊無算是也君之來時不** 10/世上 11/10/24/にいっ 或當極朗 日枢朝廟

季武子寢疾蟜固不說齊衰而入見日斯道也將亡矣士 睢公門說齊衰武子曰不亦善乎君子表微及其喪也曾 五十無車者不越疆而弔人 子問 也又鄭氏以次為大門外接賓客之處亦非是說見曾 非也君使人引車特以致其執紼助葬之意非有他義 **瀘及乎此時而來也又鄭氏謂引之爲以義奪孝子亦** 之後乃云質明滅燭則啓殯時尚昧爽君之弔必不能 命引之者三也〇鄭氏謂宮爲殯宮非也士喪禮啓殯 鄭氏日氣力始衰愚謂差者不以筋力為禮故不越疆 即遷於殟固無可行弔禮之節而柩至艃廟設奠薦車 廟之時或當柩巳出宮至喪次之時皆如弔於宮之醴 而弔人 **八祖前身第七**

點 是自己不豐記集解後十 畏季氏之意故記者因蟜固之事而 **强暴也及武子卒而曾點倚其門** 辭也武子雖恨 喪者之門則非禮矣〇萬氏 以為非而反以為善於此児禮之可以守身而無畏 守而又自言其故以正君臣之分其所以 齊衰於私門非失禮之小而武子之言如此亦自文 竊者深矣 與也點字哲曾參次思謂騎固 也 武子無 其門而 加之 一份小也言禮之份小者唯君子能 加君幣固 歌音釋 武子魯大 **蟠固而其所據者乃先王之** 何佯若善之表明也倚門 尼宁禮不畏之矯失俗 夫季孫夙也世為上 が斯大 過反倚 不以强臣之勢奪其 而歌葢亦以示其 季武子卒在魯昭 併記之然歌 矯諂畏警 M 卿强且專政 禮故不能 表明之 歌明旦 **也道**獨體 於 約徐 有 稅 僭

大夫弔當事|而至則辭焉 **尊來弔當即拜之若當事未得拜則宜告之以其故** 弔 是事 主人雖未拜弔者皆入即位矣故上篇子游裼裘而 正當 鄭氏日辭告也擯者以主人有事告也主人無事則為 拜之故雜記云當袒大夫至雖踊絶踊而拜之若士來 **時絕踊而拜之或大夫正當斂後踊時而來則亦絕** 大夫出孔氏日始喪哀戚甚小斂以前不爲大夫出 少孔子九歲時方八歲會點當益幼矣倚門而歌必無 公七年孔子方十七歲四子侍坐點齒在子路下 雖當斂不告以有事事畢踊後然後拜之愚謂大 人旣小敘袒括髮子游遊而出襲裘帶經而入是知 小斂之節大夫來弔則辭之以有事斂異當踊 言が可能が多り 也 踊

行弔之日不飲酒食肉焉 婦人不越疆而弔人 **邓於人是日不樂每文樂音 吊於葬者必執引若從柩及擴皆執鄉釋文引音允擴苦** 鄭氏曰以全哀也 是撥舉之義相惟撥舉不長遠也弔葬本為助執事故 引柩車索也引者長遠之名車行遠也紼引棺索也紼 婦人無境外之事也惟三年之喪則越疆而弔 **剱氏日君子哀樂不同日子於是日哭則不歌** 鄭氏日示助之以力車日引柩日拂從柩贏者孔氏日 士变减唯君命出謂未襲以前也 大夫不當敘則出則不當事難未小斂固爲大夫出矣 一人雖有事未得拜賓弔者已先入也喪大記云士 14-H

喪公弔之必有拜者雖朋友州里舍人可也弔曰寡君承 事主人日臨緯力媽友 此謂在他國而死者也公弔之謂所死國之君弔之也 挽而行之則謂之引是也此疏以紼爲撥舉乃據孺 **預章註為說非確義也又既夕禮屬引鄭註云在軸輯** 紼王制疏云停住之時指其繒體則謂之紼若在塗 於柩車調之引載時及至擴說載除飾皆屬於棺謂之 不謂之引而謂之紼 日紼在軸輔謂朝廟時也朝廟時枢雖行而不遠故亦 則餘人不得遙行皆散而從柩至擴下棺窆時則不 必助引柩車及至也凡執引用人貴賤有數岩其數足 人敷皆悉執紼示助力也愚謂引紼 謂爲主以拜賓也 下,加言,多角名 也 字 里謂死者同州里之人今同在 物也在塗時屬 限

大夫之喪庶子不受弔 遇柩於路必使人弔之 以廣仁恩也 於君君當弔於其家若未仕之士及庶人之喪赴告不 及於君君不能悉弔也若遇其枢於路必使人弔之所 鄭氏曰君於臣民有父母之恩愚謂大夫士之喪必赴 臨者尊君之辭葢日君辱臨某之喪 以助主人之喪事也日寡君者稱於異國臣之辭也日 必有拜賓者矣爒君尊其禮或異故以明之承助也弔 者或叉無朋友州里則此國所館舍之人皆可為主而 拜岩也喪有無後無無主則死於異國者雖非公弔固 國者其親屬或不從行則朋友及州里之人同在此 國者舍人謂死者今在他國所館舍之人也死於他 五 國

妻之昆弟爲父後者死哭之適室子爲主袒免哭踊夫人 非為父後者哭諸異室程文免音問使 門右使人立于門外告來者狎則入哭父在哭於妻之室 必先袒袒必去冠而加免也使人立於門外告來者以 爲昆弟之爲父後者不降故姊妹之夫爲之哭於適室 也袒免哭踊者冠尊不居肉袒之上故凡哭哀則踊踊 鄭氏曰哭之適室以其正也狎相習知者哭於妻之室 士之庶子得受弔也 庶子不敢受弔明巳卑避適也言大夫庶子不受弔則 主人也適子爲主受弔拜賓若適子或有他故不在則 不以私喪于尊孔氏日適室正寢也禮女子子適人者 鄭氏曰不以賤者爲有爵者主孔氏曰不受弔謂不爲 中庭子巳子也甥服舅緦故命巳子為主受弔拜客

為主者常禮也無子乃使婦人倡踊耳使人立於門外 然也爲主者在中庭西面夫入門而右亦西面在其子 為敘列也申祥之哭言思婦人倡踊此哭妻之兄弟婦 為位而哭者也子為主者妻之兄弟無服而子為舅服 **者寝是大名雖適室及妻室異室總皆曰寝愚謂此亦** 為主也条奔喪禮妻之黨哭諸寢此哭於適室及異室 夫若父在則適室由父故但於妻室之前而哭之亦子 告語來弔者述所哭之人也狎則入哭者若弔人與此 之少南凡哭而為位者哭者與主人必同面而以親疎 緦故使之爲主而拜賓袒免哭踊者哭有服之親之禮 門內有哭則鄕里聞之必來相弔故主人使人出門外 人亦當在阼階上之位但子旣爲主則其子倡踊矣子) 者相識狎習當進入共哭也父在哭於妻之室者此 一个禮記集解卷

辟主人之位也愚謂士喪禮主人眾主人衆賓皆西面 為主康子立於門右北|面辟主人之位故知此當比|面 降於適子故哭諸側室○鄭氏謂夫入門右北面孔氏 異宮雖父在亦哭諸適室也異室側室也非為父後者 告來者謂人有聞哭而來者則告以所爲哭之人葢凡 公之弔亦然初不以辟主人之位也鄭氏謂夫入門右 君弔於臣主人之位皆在門右北面故季康子於衞孁 **弔哭也父在哭於妻之室此謂父子同宮者也若父子** 哭人者之 面便似一主也又曾子問云衞靈公弔季康子魯哀公 云鄭知此北面者子旣為主在作階下西面父若又西 面蓋據會子北 一主為嫌何以此父與子同西 禮皆然狎則人哭謂所親狎之人則當 而弔之文孔疏所言殊失鄭義但 面則嫌二主乎 入而

有殘間遠兄弟之喪吳于側室無側室哭于門內之右同 聞遠兄弟之喪哭于側室以不同國而謂之遠也側室 者以其已有喪不得嚮他國也愚謂上篇言有殯闆遠 之變位同國則往哭之喪無外事孔氏曰遠兄弟之喪 則往哭之 室在寝室之旁侧者也兄弟哭於廟此不於廟者喪自 兄弟之喪雖總必往以不同居而謂之遠也此云有殯 鄭云近南則猶西面但近南耳同國則往哭異國則 **謂異國也內則云庶人無側室尋常為主當在阼階東** 西面今稱門內之右是非常哭之處繼門而近於南也 鄭氏曰哭於側室嫌哭殯也哭於門內之右近南者為 剱註本非曾子北面而弔乃弔於不爲位者之禮非一 例此也 一一一一世の一世の一

曾子曰我吊也與哉雜文與 子張死曾子有毋之喪齊衰而往哭之或日齊衰不以予 齊衰而往不服其服者蓋兄弟骨肉也其恩由父而推 兄弟之義而往哭之非弔也為朋友弔服加麻而會 子於門人猶父子則曾子於子張猶兄弟故援有殯哭 喪雖功衰不弔如有服而將往哭之則服其服而往孔 哭與弔不同弔者所以慰人之戚哭者所以自致其哀 上篇云有殯間遠兄弟之喪雖總必往雜記云三年之 **攺服卽位如始卽位之禮** 為內親也雜記日有殯聞外喪哭之他室入奠卒奠出 內殯宮之門內也哭于門內之右謂在中庭之少南而 西面所以别於哭殯之位也不哭於寢門之外者以其 未啓以前於廟皆無事焉不宜忽以哭輕喪而至也門 河部身角先

有 右子游知禮故正之 君之詔辭詔辭爲尊則宜處右若喪事則惟賓主居右 鄭氏日悼公魯哀公之子擯相侑喪禮者喪禮廢亡時 而已自居左當時禮廢言相喪亦如傳君詔辭已自居 不可以释服而服其服矣哭之者情之所不可已不服 日少儀詔辭自右鄭云爲君出命也案立者尊右巳傳 八以爲此儀當如詔辭而皆由右是善子游正之孔氏 王姬之喪魯莊公爲之大功或日由魯嫁故爲之服 服者禮之所不容過也 可以釋服而服其服朋友異姓也其恩由已而成 服或日外祖母也故為之服釋文毅音告又 喪悼公弔焉子游擯由左 「穀當爲告聲之誤也王姬周女齊襄公之夫人 **严權記集解卷十** 古 則

嫁也莊十一年王女共姬爲齊桓公夫人知此王姬非 之無服嫁於王者之後乃服之莊公齊襄公女弟文美 趙氏涉曰齊告王姫之喪魯莊公爲之服大功此禮 外祖母正合小功不服大功此或人之言有二非也〇 是襄公夫人王姬是莊公舅妻不得為外祖母假令為 莊元年秋築王姫之館於外下書王姬歸於齊是由譽 之子當為舅之妻非外祖毋外祖母又小功也孔氏日 未有魯人以我主其唇欲以說齊耳公爲之服姑姊妹 齊桓公夫人者以桓公夫人經無卒文是不告於魯莊 春秋周女由詹嫁卒服之如内女服姊妹是也天子為 可見主昏修服之非禮而桓公不可以非禮說故弗爲 二年書王姬卒是襄公夫人此言齊告王姬之喪故知 服故書卒同內女後齊桓王姬亦魯主之而卒不書

晉獻公之喪泰穆公使人弔公子重耳且日寡人聞之亡 以告舅犯舅犯日孺子其辭焉喪人無實仁親以爲實父 死之謂何又因以爲利而天下其孰能說之孺子其辭焉 反浪 公子重耳對客曰君惠弔亡臣重耳身喪父死不得與於 可久也時亦不可失也孺子其圖之 國恆於斯得國恆於斯雖吾子儼然在憂服之 際也喪失位也穆公欲納文公故勸其因喪代之際以 為文公文公為驪姬所潛出亡在狄而獻公薨穆公使 晉獻公名詭諸泰穆公名任好公子重耳獻公子後立 圖反國 人就弔之且日者致弔辭之後復言此也斯謂喪代之 也 一 はいい Maria Amy Par 檢反本亦作優喪 喪亦

遠利也若見反夫音符遠于萬反 猿利也釋文擬依註音縣呼溫反徐 拜則未為後也故不成拜哭而起則愛父也起而不私則 子顯以致命於穆公穆公日仁夫公子重耳夫稽顙而不 哭泣之哀以爲君憂父死之謂何或敢有他志以辱君義 稽顏而不拜哭而起起而不私 辞文與 韅愚謂未爲後者文公不受穆公之命故不敢以喪丰 受吊之禮也適子受吊則拜稽額起而不私與使者無 鄭氏曰使者公子縶也盧氏 云古者名字相配顯當作 言也稽額而不拜但自致其哀而不拜賓益庶子在外 者當以愛親爲實若因父死以求反國則是利父之死 舅犯文公舅狐偃字子犯仁親仁愛其親也言爲人子 私言也 非人子愛親之心矣舅犯勸文公辭素使而文公從其 / 相言 負角 先

帷 聲巳不視帷堂而哭公孫敖亦是穆伯此不云聲巳之 復徹帷表夫之遠色也粲春秋文十五年公孫敖之喪 **妻文伯歇之毋也禮朝夕 哭不帷孔氏曰孝子思念其** 去遠突此所以卒能反國而霸諸侯與 哭穆伯始者聲巳哭在堂下是帷堂非帷殯也愚謂婦 親故朝夕哭時褰徹其帷敬姜少寡辟嫌故朝夕哭不 郧氏日穆伯魯大夫季悼子之子公甫靖也敬姜穆伯 圆利则居然仁者之心其视惠公之重路以求入者相 晉人與之素伯助之有可以得國之勢而不欲因喪以 之禮自居也文公譎,而不正 非能誠於愛親者然當時 (無堂下哭位聲已之哭亦當在堂上但聲已怨恨穆 而帷堂人不取法自敬姜行此人以爲知禮而慕效 **表~禮 池泉解卷十**

喪禮哀戚之至也節哀順變也君子念始之者也 憶 戚之至極也既是至極恐其傷性故辟踊有節算裁節 也順變者謂順其哀之隆殺 夕與無時之哭卒哭有朝夕哭練不復朝夕 其父母之死也節哀者謂始死哭不絶聲 節則總釋喪禮之義也大宗伯以凶 其哀也所以節哀者欲順孝子悲哀使之漸變也愚謂 鄭氏日始猶生也念父母生我不欲傷其性孔氏曰凡 目有五而惟喪 下文所言自復至於虞 人或有漏災雖或悲哀未是至極惟遭父母喪禮 故言惟殯自敬姜始 無時之哭祥而外無哭禪而內無哭所以節限其哀 一禮爲哀戚之至葢人之哀戚莫甚於哀 | 附皆思據喪禮而釋其義而此 而漸變之 禮哀邦國之憂其 、哭但 頭則有 是哀 有周 朝

也北面求諸幽之義也釋 復盡愛之道也有蔣祠之心焉 拜稽額哀戚之至隱也稽顙隱之甚也 將死至情迫切所以求其生者無所不至故復與禱爲 所來禮復者升屋北面愚謂盡愛之道謂盐愛親之道 事不同而其為心 也復亦所以求親之生故日有蔣祠之心人子於親之 也腐秱腐於神以祈親之生士喪禮疾病行禱五祀 鄭氏曰復謂招魂望求諸幽鬼神處幽暗望其從鬼神 死則有鬼神之道鬼神處於幽陰故望其方而求之也 而必爲之節也 矣君子念父毋生我之心必不欲其如此是以雖至哀 於其父母也至死不窮若不爲之節限必將至於滅 | 也復者北面北者幽陰之方也人 音丁報反 望反諸幽求諸鬼神之道 反

飯用米貝弗忍虛也不以食道用美焉爾棒文 鄭 也以次差之天子當沐黍是天子飯用黍也周禮典瑞 喪大記君沐梁大夫沐稷士沐梁飯用沐米士用梁謂 虚其口也飯食人所造作為褻米貝天性自然為美案 鄭氏日尊之也食道褻米貝美孔氏日 所以致哀故二者皆爲 大夫無文案成十七年公孫嬰齊夢贈瓊瑰註云食珠 合用壁雜記云含者執壁將命是諸侯亦含以璧也卿 玉含象則卿大夫葢 云大喪共飯玉含玉鄭莊云含玉如璧形而 天子之士諸侯之士用稻士喪醴稻米一豆實於筐是 大夫當五諸侯七天子九愚謂米所以飯貝所以含通 氏曰隱痛也稽顙觸地無容愚謂拜所以禮賓稽 用珠也士喪禮用貝三依雜記則 至痛 而稽類之 一桶為 「飯用米貝不 尤甚 小是天子 顡

銘 之矣敬之斯盡其道焉耳釋文別彼列反本或無 明旌 弗忍 大記 傳云與瑰石而次玉又左傳哀十 能備有故隨所有面 喪禮為銘名以 鄭氏日 是大夫以上 建物則銘旌亦然士喪禮士長三尺大夫五尺諸 具含玉是大夫含亦用玉也雜記自天子至士皆用 加 日日日本憲記集解卷十一 大常案司常云王建大常諸侯建旂 言之 虚者所以爲愛不以食道者又所以爲敬也詩手 也以死者為不可别已故 則米貝皆謂之飯故 明旌神明之旌不可别形貌不見孔氏日 | 兼用具玉士則惟 以其物叉司常云大喪共銘旌註云 一喪禮沐稻葢列國土宜不 用之非必天子諸侯之士之異心 饭飯 以其族識之愛之斯錄 用 貝也 用米 一年齊陳子命其徒 孤卿建旜大夫 貝飯 而士或不 案 則

重主道也殷主級重馬周主重徹馬釋文重直龍反 本考 篇說 作主 爲之也愛之故不敢忘敬之故不敢苟此二句申言 鄭 旌之義註疏以重與奠言非也 死作重獨若木主主者吉祭所以依神在喪重亦所 名而存錄之也盡其道謂其深章尺度必視其爵位 尺天子九尺若不命之士則士喪禮 後作主春秋傳曰虞主用桑練主用栗綴猶 氏日始死未作主以重主其神也重旣處而埋之 尺輕末長終幅長二尺總長三尺愚謂錄之謂識 見周人 一而聯其重縣諸廟也去顯考乃埋之以高祖 而此云重主道者此據天子諸侯有主者言之 |重主道也殷人始殯置重於廟庭作處主 、作主徹重埋之孔氏日案士喪禮士有 云以緇 聯也 長半 重

凶之 然後神之然猶未 者以文二年作僖 鄭 道易檐 時 諦 註 於廟 爲 則 而遷將納新神 型其重 禮 因締 三年喪畢乃遷廟故僖 其變 杜服皆以爲三年締祭 考 可也改塗 不避比集解各 一於門外之道左也 醴 而遷廟主傳錄 75 於 有衡 節 新 以其班耐之下云練而遷廟鄭必謂以 埋其重及主以其旣 鄭 盡變故主復於寢 故始死全用事生之醴 氏用穀梁練而遷廟之說杜 公主穀 者 故示有所加是鄭之所據 可 也范第云親 先日 生因 死者 梁傳云於練焉壞廟 三十 犯 校辦 世 逐 過高 毛常依 氏 遷 三年 至三年而 無廟山周人作 左 遷廟早晚左 遷其重常 政疏 祖 既卒 **一氏傳** 則毁 不作為不 懊 則 朱子日 江廟 云水 壊廟之 以 因禘 爲 在 故

廟 有 矣其辭但告遷而不言劑則是既耐之後主復於寢 其故廟 至此方遷於廟矣如穀梁云易檐攺塗醴志云更釁 舊主至三年而納新主耶叉日大戴禮諸侯遷 廟則是必先遷高祖於太廟夾室然後 君及從者皆元服則是三年大祥之後既除喪 而納祖考之主又俟遷祖考於新廟然後可 服虔之說則以三年爲斷其間 梁但言壞舊廟不言遷新主則安知其非練而 III アーガードイスチスー 納 新洲之 **壊之恐非人情愚謂大戴醴** 復寢後猶日上食矣愚謂 志所謂景廟 主矣如左氏云特心於寢 旧但穀梁所謂練 而移 同 故主乃不俟其 可以壞釁其故 遷廟篇首言 而後 腐篇云

船祭畢而遷高祖之主於大祖之夾室於是高祖之 虚而可以改塗易檐而修之矣第二 之矣至喪畢 之中間宗廟有三給祭或二 烝嘗稀於廟也至練距大群尙 之主於高祖廟於是祖之 之祭皆於寢而宗廟則復行時祭左傳所謂特 遷其親盡者之主也葢旣耐之後主還於寢新上練 於皇考某侯成廟將徙敢告此謂三年喪畢以新死者 之主遷之於廟也穀梁傳云 廟 **祥相距中容三船其遞遷** 主之入廟而不言舊主之去廟則舊主固已先要 一禮記集解卷十 而納新主於祖之廟焉若天子三昭三 廟虚而可以改塗易槍而修 練 | 船祭如有二 孝嗣侯某敢 而壞廟 法亦 年姑以諸侯之禮 一次給祭畢而遷 如此遷廟 此謂旣 以嘉 「練之 祀 第 廟

焉爾豈 奠以素器以生者有哀素之心也唯祭 祭祀 敬 食之 鄭氏日哀素言哀痛無飾也凡物無飾 於春秋之 謂 奠用素 不容復 則 烝嘗締於廟及晉葬悼公烝於曲沃者未 禮葬前不立尸直 知神之所饗亦以主人有齊敬之心也 以 俎 禮謂既葬之後虞耐練群皆立尸 ,飾醴由人心而已愚謂祭則 有 致疑於其間 練 亂世而非之也 用吉祭之器矣葢奠主哀故器 因船 而喪中於 以饌具奠置於地而已故 加 舊廟 宗 扇非寛 数 梁之 祀之 有尸有 而行祭禮 素良則以素 無飾 敢 確 可以其出 則 氏所 造 祭 有 미

辟踊哀之至也有算爲之節文也韓文 節之數其事非 人自 孔氏日袒衣括髮者是孝子形貎之變 踊三者三為 天子九踊故云爲之節文愚謂有算之義有二 踊 性故辟踊有算爲準節文章準節之數其事非一 哀慕至愿男踊女辟是哀痛之至極若不節限恐傷其 鄭氏日算數也孔氏日撫心爲辟跳躍 乙素器也豈 一跳三 變也慍哀之變也去飾去 袒有所襲哀之節也犟反 盡其齊敬之心耳 大曹 北 美 解 本 |踊九跳爲||節士三踊大夫五踊諸侯七踊 知神之所變必於此有飾之器乎亦以 一節 一也 一是天子至士多少有差故疏云進 徐又音 反辟 爲踊孝子喪親 一是毎 毎

弁経葛 應常袒何以有所袒有所襲葢哀甚則袒哀輕則襲 飾雖有多途 哀情之 於中也上以二者並言而下乃專以袒括髮言之者以 之節限也愚謂袒括髮者飾之變於外也慍者情之變 **哔夏收此三者皆士之祭冠也下文云周** 變其事易明不煩申釋也 ,乃服受服也踰時則哀久而敬生敬則 葬與神交之道也有敬心焉周人弁而葬殷人 情之變也去其吉時 接神之道 反哻 月而葬未喻時愚謂弁爵弁也士 而葬以弁與哻並言其爲舒弁明矣弁 一而袒括髮為去飾之最甚也孝子悲哀 不可以純 服 X 飾者是去其華美也 天子諸 **侯變** 一冠記 服 服 而葬旣 有 云周

遠故至葬則哀 也獸謂未殯前獸粥也主人主婦死者之子與妻室老 鄭氏日尊者奪人易也歡歡粥也愚謂此謂大夫之喪 其尊近致其哀而已天子諸侯之父兼乎君者也其尊 **澱葬不變** 服而反哭 於神明 之顧命則天子在喪有用吉服以行事者而曾子問 /主婦室 者不可以不敬也益大夫士之父全乎父者也 殯大祝大宰大宗皆晃服皆此義也旣葬. 事生之禮將葬而漸神之故變 老為其病也君命食之也反一音常悅反 弁経葛而葬人君之禮 久而敬生而不敢 絰 即前所謂爵弁経 也與神交之道者 斜衣之 凶 服接之親於書 服而葬以交 服心

尚養 哭升堂反諸其所作也主婦人於室反諸其所養也存 爲飲食之也 復於親所饋食供養之處此皆 生平祭祀冠昏在於堂也主婦反哭所以入於室者 **葬訖反哭於廟所以升堂者反復於親所行禮之處謂** 問喪云鄰里爲之麋粥以飲食之蓋士無君命故鄰里 **盎君爲其困病故命食之以粥以戽者之命奪其情** 其貴臣也三人者爲大夫未殯皆不食而有時 人反哭入升自西階東面主婦入於室下始云途適 鄭氏日堂親所行禮之處室親所饋食之處孔氏日謂 葬則反於廟而哭以致其哀也反諸其所作者反於 知初反哭在廟也愚謂反哭者葬時柩從廟而去 三浦 這多角 名 調在廟 也故既夕禮 也

反哭之弔也哀之至也反而亡焉失之矣於是爲甚 陳氏澔日殷之禮窆畢實就墓所弔主人周 矣喪矣不可復見已矣故哭涖辟踊盡哀而止矣故弔 喪日入門而弗見也上堂又弗見也入室又弗見也亡 處而哀親之不復饋養於是也 無不哀而反哭爲尤甚 士喪禮反哭賓升自西階弔日如之何主人拜稽顙問 於是也反諸其所養者反於死者平時行饋食祭體之 人反哭而後弔孔子謂殷禮大質愍者葢親之在土固 死者平時祭祀冠昏所行禮之處而哀親之不復行禮 氏日封當爲空空下棺也熬者得哀之始未見其甚 苦角反 不確記集解卷十 反哭而弔孔子日殷已怒吾從周釋文封 醴 則俟主

既封 **葬於北方北首三代之達醴也之幽之故也** 神佝幽 鄭氏日北方國北也孔氏日言葬於國北及 餘而文不足也葢葬事甫畢卽行弔禮則於禮節思遽 尤甚故吊於墓者不如弔於家者之情文爲 既足以深致其哀而於禮節亦不至於迫 謂憝與七 而無從容之 既封謂葬既下棺也主人贈而配宿虞日 可哀不若求親於平生所居止之所而不 月月 **媚以幣送死者於擴也於主人贈訛先歸** 間往詣幽冥故也殯時仍南首者孝子 神待之 而祝宿虞戶 介以相見也不然則已惡之怒同言其質有 意故日已怒不若反哭而弔則 リスコリ 兼盡也愚 得其哀為 反而亡 反首 者鬼

野反哭主 也 **虞始有尸葢親之形體旣藏孝子之心無所繫故立口** 鄭氏日視虞 是虞有尸也愚謂虞安也葬反而祭於殯宮以安 為左有司以几筵及祭饌置於墓左體地神也愚謂祖 母形體在此體其劑也周體家人凡祭墓爲尸孔氏日 **贈而就宿處尸者言就之反而宿尸以主人之贈爲節** 以象死者而事之宿進也進之使於祭時而來也主。 几依神也筵坐神席也含釋也奠置也塞道向南以東 人贈用制幣元纁東帛叉士奠禮記云男男尸女女尸 **两、體記集幹卷十** 與有司亂虞牲有司以几姓舍奠於墓左反 推謂日中將虞省其牲也含奠墓左以父 衆旣夕醴 (神也

葬日處弗忍一日離也是日也以虞易奠年文雜 處記云三虞卒哭他用剛日日哀薦成事先儒以他用 處以安神葬日即處不忍一 奠置於地至處始立尸以行祭禮故日以處易奠雜記 乎日中者固當有之矣 謂喪事雖遽不麥節者於此可以見之日中而處往 有司亦可以反矣於是而行虞祭也葢虞祭以釋奠者 日假如士三虞丁日葬而虞則巳日再虞辛日三虞十 云士三處大夫五諸侯七則天子當九處也處皆用柔 而歸非日中不足以蔵事也其或墓地稍遠則奠之過 之反為節也主人贈而就宿奠尸有司反日中而奠所 反畱於墓而含奠者也主人歸而反哭視姓則含奠之 牲之有司與主人偕反者也含奠之有司則於主人之 日離親之神也葬前無日

前此朝夕哭於殯宮至是 成事成祭事也祭以吉爲成愚謂卒哭亦祭名卒止 哭於次面已故日卒哭而因以爲其祭之 九月而卒哭也大夫以上虞與卒哭異月士虞與卒哭 侯五月而葬七月而卒哭以此差之則天子七月而葬 鄭氏日虞喪祭也旣處之後卒哭而祭其辭葢日哀薦 哭日成事是日也以吉祭易喪祭明日祔于祖父舞文 然也此篇及曾子問雜記皆云卒哭成事士處記他用 剛 三月而葬三月而卒哭大夫三月而葬五月而卒哭諸 剛日哀薦成事之文專屬於卒哭卒哭他用剛日則知 音符音 處皆用柔日矣 日兼蒙 不確記集解卷十 三處卒哭言之故謂後 則止殯宮爲位之哭惟朝 處敗用剛 名也雜記 A 此 地

者使其 也既 卒哭明日祭之名 也吉祭猶未配大戴遷廟體 **骨子問其吉祭特徃是也一是喪畢吉祭士虞記是** 言吉祭有二一 其 **膻也至卒哭**而歧用吉祭之醴故 位於西階亨於門西牡升左胖進抵魚進譽皆喪祭 **餠所稱士處記卒哭日哀薦成事是也** 同 日以死者之神將自殯宮而往副 動之義故不用 神 而反於寝左傳日凡 以末虞之明日卒哭虞皆用柔日而卒哭 一然當聯於廟特 附屬於祖父也必 是喪中卒哭之祭此言以吉祭易喪祭 丙事以柔 於祖父者附必以 乃撵日而吉祭焉是也耐 日之例也日成 日以吉祭易喪祭 於廟 |士虞禮主| 用剛 廟 其昭穆 而祭 日者 事 謂

有所歸也解文比 其變而之吉祭也比至於洲必於是日也接不忍一 祭則 接連不忍親之 於是日也接謂耐用卒哭之 祭由喪祭變而至吉祭也是日卒哭之 則卒哭後耐祭前此 吳氏澄日卒哭之末有餞禮送神適祖 而遷新主也 有變者或時有迫促或事有忌諱未及葬期死 之虞禮所謂他用剛 **耐必與卒哭相接也想謂變敗也之往也變而之吉** 因給 一個王日、三四千八十一 遷新主於廟大夫士 神 日無所依歸也鄭氏日 一日親之神無所依歸孝子不忍 日也孔氏日變謂變常體所 |明日必於是卒哭之 無給祭則亦因吉祭 隔 日也接連也必 廟矣 日而始酬祭 異早急宜 日末 日 所 相

殷鍊而耐周卒哭而 臨臣喪以巫祝桃茢執戈惡之也所以異 之爲變旣處比至於耐必於是日也接謂於是三 皆還於寢至三年喪畢而後祭於廟則殷周 哭之間剛日而連接其祭所以必 者喪服小記云赴葬者赴虞 鄭氏日期而神之人情也愚謂般練而削於練祭 中間未聞別有他祭則士之赴處而未卒哭者中間。 以見其爲變禮之意且大夫以上虞與卒哭 而言速葬速處而後卒哭之前其日尙賒不可無祭謂 不當有祭也 不忍使親每一日之間無所依歸愚謂此所言初末有 日而耐也周卒哭而耐於卒哭之明日 耐孔子善殷 三月而後卒哭彼據士禮 用剛日接之者孝子 皆間一月 之所同也 也 也喪有 一虞卒 明

乃烏死 言不忍言也君 常儀也臨 門而巫止就代之 王 桃 生 鄭 再則 死斯惡之矣 **药二物益使** 反反 則無 拼 與 澌 桃 生者 一就前 滅之道 凶 邪 之所難言也 臣之 但有執 巫贶 所以與臨生 喪 想謂臨 恶茢荏苕可埽 降於天子也 先王之所不忍 妣 執之 恩誼至 再則 戈 喪 駎 \pm 用 奏 哭之 者 與巫 死者 弔 巫 视 則 禮 ·臣二人執戈先君 一前 必 則 者 群 巫视並前 · 敷必 是也諸侯則至 用 異 加 爲 亦與神 有 也 以 往 巫祝 死 凶 澌 周 云苕村 邪之氣 交之道 滅 桃 醴 茢 其 也

舰桃游埶戈天子禮 臣 明與大飲同直言 禮明天子亦然故鄭云巳襲 云謂天子禮 子也知此文據 子同是天子臨 巫執药亦謂未襲 **舰先** 臣喪未襲 氏日朱喪 人教戈先 喪去樂卒事而往 入士喪禮 旭言百角 故鄭註 之前巫止祝執 大記大夫之 臣之喪巫 人後此皆 大敛 巫止無桃茢之 也諸侯則使 子體也鄭註 士喪禮 前也 而往 未襲 喪 若已襲 則 引檀 桃荫教戈三者並具諸 泚 其 文 **弓云君臨臣喪以** 巫去桃药也 士喪體云諸侯使 乏 臣執戈若旣襲 廟門 代巫執游居前 喪 後茢亦去 記難記 斂 則 此 殯 止于 巫 諸 經 無

言爲天子之體 患難] 意之厚 則未至廟門時亦巫泚挑茢 五年叞仲卒公不與 一般 而往者故 賜而小斂者也謂爲未襲非也 言巫药故以此爲未襲之 衙 記 獻 而然非 順死者之孝心也其哀 調將葬以極朝廟也 行殷朝而殯於祖周 君 公於柳莊之卒不稅祭服 **東个體 北美辉岩十** 至於與其 可據為常典也 也 無挑药 小飲 小般故不書 此有 斂 焉 焉 郊氏 朝而 而止 並有 禮 爲 桃茢者益 然士喪禮喪大 逐葬舞戏 諸侯至廟門 以士喪體喪 爾未聞有未襲而往 而往乃因其 日是君 則 禮出 君於卿大 於 斂 御大 至於 焉 記皆 相從 左傳 而巫 記替 夫 夫 팶 於 恩

未廟見則不朝廟愚謂孔疏言天子諸侯之 廟而後行以致其徘 豎職王后之喪朝廟則爲之蹕是毋喪亦朝廟明 故至葬而後朝廟 此義也殷人以死則爲神鬼神以遠於人爲尊故朝而 之也又以死者之心必以離其室爲哀故至於祖考之 面 之主而藏之大廟尤無事偏歷羣廟 日是不以 枢之 **殯於祖廟周人以死者之心不欲遽** 廟非也士喪記有二廟者朝祖 一朝廟象生人之出必告親順死者之孝心而為 五條似皆據喪禮之成文 リカルドイスカン 至也以下至此凡十六條第 日限朝 〇崇精問葬母亦朝廟否焦氏 徊而不忍遽去之意朝廟 一廟矣天子諸侯之喪 畢即朝禰不待 而朝 雄其寢處之 一條總言喪 之也〇自 **葬** 祝斂羣廟 又棄有 也 日

子謂爲 則 似 六條文 重 而 其所據者乃儀禮 豈 葬則 道 巫 之器 也一 服 明器者知喪道矣備物 說釋之謹復獻其疑於 此善夏之用明器非 而葬虞 疏 世 不殆於 叉首以喪 因重言主亦當爲人君之醴矣 執戈則當 人君之 而作主人 之 用 殉乎哉 篇不當 禮又 禮發其端而以下逐節釋 殷之 注 以俟 疏 錯 解釋 俊文 一用祭器 |皆然與今於前 有諸侯大夫之 其器 學者更考焉 用 反殉 地 然此 幾 則

男 子謂爲劉靈者善謂爲俑者不仁不殆於用人乎哉稱文 子謂爲劉靈者善謂爲俑者不仁不殆於用人乎哉稱文 其日明器神明之也塗車芻靈自古有之明器之道 旬 靈皆送葬之物也塗車即遺車以采色塗飾之以象 器神明之者言以神明之道 鄛 子是古而非周愚謂此又 謂之靈者神之類俑偶人 器之所以可哀也 王芻靈東草爲遺車 言也祭器生人之器也用其器則近於用其人此用祭 孔子之言記者引之以起 氏日神明之神明死者異於生人劉靈東茅爲 人此 明器者之所爲 上御右之屬及爲駕車之馬 譏 也有面目機 知喪道也哀哉以下記者之 下文所論之事也塗車 符之而異於生人也 周末爲俑之 發似於生 非也其日 此 紖

若將加諸膝退人若將隊諸 人以禮退 公問於子思日爲舊君反 爲舊君第二條大 喪服齊衰三月章 器之備物而不可用也俑木倜 而用之故謂爲不仁 埋之則是馬塗車之芻靈是也芻靈不能運動亦猾 、夫爲舊君傳曰何大夫之謂乎言其以道去君而去 |俑由芻靈而爲俑葢周末之禮然也孔子以其象 禮之有釋文爲舊者 人以體故有舊君 下車耳口をおけらない /又校| 夫去國 為舊君 **隊本又作墜 行傷反下**爲 | 者其妻長子爲舊君第二 淵毋爲戎首 反服之體也今之君子進 服古與予思日古之君子進 車之馬及 一條第 、
也偶寓
也以
其寄
国 直魏反 葬埋之鄭 條仕焉而 不亦善乎又 孫 者 何 明

悼公之喪季昭予問於孟被 喪服仕焉而巳者解此 喪服第三條之義也退人 者反得不服 寡矣若仕焉而巳者爲舊君之服與庶人爲國君同庶 兵戎之首也此與孟! 臣亦不以道去其君而其去而即絶也不待言矣戎首 絶也穆公所問葢謂大夫 子思之 人為國君齊衰三月未聞有服不服之異豈仕焉而且 人若將加諸膝退人若 禮也吾三臣者之 所以答之者如此 罗术言手角名 严 子告齊宣王之言相似〇鄭氏 非也穆公以舊君反服爲 子日爲君何食敬子日食 則知當時之服此服者蓋 道去 能居公室也四方莫不聞 諸淵則君不以道遇其臣 體即以道去君之謂 國而服其舊君者 也進 引

加 臣 君 不以情居瘠言虛爲哀瘠之貌而無哀戚之質心也爲 仲孫叔孫季孫也存時不盡忠喪又不盡體非也愚謂 鄭 甚 斬衰三年始死三 不能居公室其罪大矣没叉不以醴喪之則其罪 氏 一焉敬子之言麤倍如此曾子所以有出辭氣斯遠 小斂子游出綞反哭子夏日聞之也與日聞諸夫 敬子死子夏弔焉主人未小燉經而往子游弔 鄰國皆知吾等不能居公室以臣禮事君也三臣 一戒敷 司徒官氏公子許之後愚謂改服者主 **歧服則不經** 昭子康子之督孫名强敬子武伯之子名捷敬 不體記集解影十 字下音嗣 一日不食旣殯食粥至練乃食食三 起 八既

子證 曾: **机反**遣 子焉車 敬 鄮 鳳 败 氏 服 氏 **新七** 晏子 晏子可謂知禮也巳恭敬之有焉 不以命數喪禮畧也个謂所包遣 則弔者加經帶主 「體者数而已矣愚謂體以素敬爲本晏子能 子許其知 其太儉逼下 有若是記文 大夫五个遺車 五个諸侯苞七个天子大年 事也 服之麻也 狐娄三十年 中具買 遺車之差大 醴 下非之及 氏公彦日大夫三牲 人成服則弔者服弔妾 凡弔者之服隨主人而變 車 作響五有有乘 車 基而 夫五諸侯 子子 傳並 乗 反 言其旣窆而 七 耳若 则天 體之 森

大夫遣奠亦大牢每姓 與三體折分為二十五个分為 裹羊豕之肉者义云苞牲取下體鄭云前脛折取觜騰 凡牲體 取牲體包之戴以進車使人持以如嘉置於椁之四 遣奠之牲體而葬之者也葬時柩車將行設遣奠旣奠 後脛折取骼士包三个士遣奠二牲每牲取三 个謂每包所有之个數也士喪禮云苞二鄭氏云所以 九个分爲七包每包七个包用一 少儀大牢以左肩臂臑折九个是也國君七个大夫五 一包每包有三个則皆全體也士無遣車每苞用 乗言其少也及墓而反者藏器少故葬速而卽反也 之以如墓諸侯遺奠大牢每牲取三體折分爲四 體分為八十 一段謂之一个特牲禮佐食盛所俎俎釋三 不能比集界影十 个九苞苞九个愚謂遺車戴所 車載之故遺車七乘 ŧ 一體分爲

遺 車則爲大夫者未必皆有車馬之 折取臂臑後脛折取骼是一 分爲二十一 子儉不中體不足爲知體也〇鄭氏日人臣賜車馬 **奠兼用馬牲亦毎牲取三體折分爲八十** 包每包五个亦包用一車戴之故遺車五章 士奖禮無遺車賤 體分爲三个一 乃有遺車孔氏日案旣夕禮苞往取下體鄭註前脛 包每包九个包用一車載之則遭車九乘也有子言 體大夫分九體爲十五段三段爲一包凡五包諸侯 个大夫五个皆謂所包 六體分爲三个一个有二體其語殊不可曉 段凡七包天子分為二十七段凡九包愚 个有二 而禮畧耳鄭謂賜車馬者乃有遺 體大夫以上皆大牢三牲凡 **牲取三體士少牢二**牲則 陽也士包三个

曾子日國無道君子恥盈禮焉國奢則示之以儉國儉則 不之以禮 得禮之中也二子各就其 賢大夫也而難爲下矣葢儉固可以救奢之失亦未爲 與其不孫也寧固又日晏平仲祀其先人豚肩 此者所以矯當時之失無害爲知禮也益曾子以晏子 鄭氏日時齊方奢矯之是也愚謂曾子言晏子所以爲 不知禮者以禮之文而言也孔子日奢 **恭敬爲知禮者以禮之本而言也有子以晏子** 買疏得之 詳其語意似以一个爲一包也然士喪體言苞二而鄭 氏云苞三个則是个乃在包之中者而个非苞也儀禮 大夫諸侯每包皆三段又與祀所言五个七个者不合 一种避託集解卷十 偏之見言之故其於晏子 則不孫儉則 团

國 喪 卿 司 昭 所 也 專主其事使 昭子自謂齊之大 爲陳氏澔 子也噫不寤之聲毋禁 反文 敬 母 國昭子齊大夫東鄉 爾專 鄉 死 田昭 丧夫子相男子 問 來規 人皆 斯反鄉 於子 自爲主賓自爲賓於是 子葬其毋以子張 東鄉 視當 賜治克 家有事人盡 張 华 惟 醠 止之 依反 有 也昭子自 西 西 及基 聖 鄉 音本 鄉 辭 更 · 現物 男 斯盡 夾羨道 視之欲 相 子婦 廉意 婦 昭 旜 也 沾讀 為位 得 故 反同 人觀之法 鄉 人安位 其 間 從男子皆 日噫毋 也 覘

文伯之喪敬姜懿其牀而不哭日昔者吾有斯子也吾以 将為賢人也吾求管以就公室今及其死也朋友諸臣未 男女之別又宗親疏之序失體甚矣 伯之聖敬意主哭文伯之喪畫夜哭孔子日知禮矣 **嘗與到公室觀其行也季氏魯之宗卿敬姜有會見之** 近擴而沙震症泉主人之南女賓在泉婦人之南又所 禮內人妻妾也孔氏日曠稻疏薄也疏薄於賓客朋友 有無夫字者文夫音扶本出游方面內人皆行哭失聲斯子也必多曠於禮矣夫出游方面內人皆行哭失聲斯子也必多曠於禮矣夫 鄭氏曰遊夫不夜哭嫌私情勝也 卿 以為親孫之序也今州子使主自爲主賓自爲賓旣無 男子皆西鄉婦人皆東鄉所以爲男女之列也以親者 日日以禮記集解卷十 口以爲賢人葢見其有才藝也未嘗就公室言未 末百

季康子之 之踊也子欲去之 子與 大夫 敬姜康子從祖母愚謂喪大記君小數用穆衣大斂 鄭氏 非 斂 褶衣複衣褶衣即袍褶之屬皆褻衣也君敛用褻 四方之賓來褻衣何為陳於斯命徹之 專也言予專不知夫喪之何以 之 而不陳季氏但欲以多陳衣爲榮幷陳褻衣 可知而敬姜命去褻衣者益婦人之褻衣 日褻衣非上服陳之 母死陳葵 衣敬姜 出游者 將以斂四方之賓嚴於舅 有踊 久欲 反去 知 用

子游日禮有微情者有以故與物者有直情而徑行者戎 狄之道也禮道則不然 行則賢者無以俯而就且至於滅性不肖者無以企而 酒食所以使之覩物思哀而,不至於怠而忘之也有子 以故與物若荀卿言斬衰管屦杖而啜粥者志不在於 **微殺也微情謂哭踊之節變除之漸所以使之殺其情** 情 齊也或哀毀以傷生或朝死而夕忘茍使人率其情 之意在於徑情直 及必相率而至於悖死忘親矣 而不至於過哀也故謂有爲爲之也物謂衰經之屬也 號嘉迫切之情而不自知者有子以為喪致乎哀而已 而不必為之節文也 国外禮記集解卷十 何必爲 H | 行不知禮之節有定而人之情不| 乎益喪之踊有節孺子之募用率 元士 叫

爲 喜 刑 鄭 起舞 狍 至於拊心拊 咏 也陶者喜心鼓盪於內 氏 足不 抵聲 歌 E 耳同斯舞而首群怒 」則至於悲戚 也愠 也吸歌不已則至於身體動搖動搖不 陶 相 蹈诸各亦樂 折 陶 怒意也 近辟拊心踊 踊 斯 也 句蹈本四反相 猶 脉 5万正○對 當 咏 品 悲戚 樂 為 本凡無哀疏或 節 極 抵聲之誤也搖謂身動搖 起而 則哀故舞而遂至於愠 叫 不巳則發爲 雖也愚謂喜者外境順心 分 斯 跳 是一中 舞 調 以也脉者喜發於外 踊葢哀樂之情其 数息数息不 遙 Ė 則至 也 也但 奥本又哀光性運搖

未有 使 也故 死斯恶之矣 問言及 鄭他本或無此句或本係術文如陸氏之說與 舞與踊對哀樂之動於 之盛於中也咏與歎對哀樂之發於聲音也搖與辟 旬 **情得其所止而 立削為之品** 勿惡也始死脯醢之奠將行造而行之旣葬而食之 見其饗之者也自上世以來未之有舍也爲使 子之所刺於 至著者若 樂循環 相對喜與愠對哀樂之初感也陶與戚對哀 **喧記 崇解 卷十** 無能也斯倍之矣是故制絞衾設葽翣爲 而使之有等級為之節而使之有裁限故 相生之意詳文義似不當著此 不過是乃所謂醴也此節言哀樂各 然情 禮者亦非禮之皆也釋文惡鳥 四體也獨舞斯愠 川 徑行故先王 句在 |因人情 其中 疏謂

吳侵陳斬 **八儀曰是夫也多言盍嘗問焉師必有名人之稱斯師也 否則謂之何大宰嚭曰古之侵伐者不斬祀不殺** (王今斯師也殺厲與其不謂之殺厲之師與日戶)為地 之義 故有子之所刺不足爲禮之疵病也此二句通結二 得以盡其事死如生之情又因以故與物之意而廣言 哀樂之情而品節之所謂禮有微情者也此言先王因 **將葬也葬有遺奠食反虞之祭舍猶廢也訾病也愚謂** 之所以見禮之不使人直情而徑行者皆有深意存焉 死者之易於倍葉而制為喪葬之飾奠祭之醴而使 士虞禮曰特豕饋食所謂旣葬而食之也上言先王因 鄭氏日絞衾尸之飾蔞翣棺之牆飾周禮蔞作桞將行 祀殺厲師還出竟陳大宰嚭使於師夫差謂行

言似若不審然子謂所獲民臣師與有無名乎又微 得非師謂簡乃 **虜之二毛鬢髮班白止言殺厲重人也欲繳切之故其** 鄭 **反地歸子之言則陳行人** 病大宰行人官名也夫差吳子光之子嘗試也獲謂係 外欲得善名故使問行人以眾人 乙終其意吳楚僭號稱王吳氏澄日夫差內行惡事 之簡夫此册 氏 師者欲吳人恥其名之 日吳侵 所互行 陳以魯哀公元年祀 互葢儀儀陝遺 因其好名之心而誘動之 惡 記儀錯 背 而敗悔也吳大宰果 **一辆此師之名名以** 神位有 停陳至者夫則 誤氏 屋樹者厲 嚭使之禮日吏 與 疫 勸

求也既葬如不及其反而息者上殯後從而不及 得據外貌所求也此云始死如有求而不得據 上篇云始死充充如有窮謂形貌窮屈亦彷徨有求 同 不得之心彼此各舉其 可及之理旣葬慨然如不及謂不復可及所以文 上篇云旣葬皇皇如有望而不至此云旣葬如不 云旣葬皇皇是輕故云望而不至也此旣 也此始死皇皇是皇皇之甚故如有求而不得 而弗及 氏日顏丁魯人從隨也慨憊貌孔氏日皇皇獪 n廓然 透謂 既葬飯焉如不及其反 死皇皇焉 然上檀弓更說練群故云練而 如有求而弗得及殯望望焉如 也 上篇云甌殯如有求而 而 息 葬則止不說 丙心 異

言無 進 知悼子卒未葬平公飲酒師曠李調侍鼓鐘杜蕢自外 **于張問** 共不然也古者天子房王世子聽於冢字三年數〇今按 反也如? 指 **聽朝胡氏日三年之喪自天子達於庶** 鄭氏日時人君無行三年之喪禮者子張問有此 而生耳夫子告以聽於冢宰則麟亂非所憂矣 乙也讙喜悅也冢宰天官卿武王事者三年之喪使之 而變 如親 不同其大歸 作 日書云高宗三年不言言乃誰有諸仲尼 者如此 疑也此言居喪哀悼之心自始死至旣葬 **下離記集解卷十** (君三年不言則臣下無所禀令禍亂或從 則 與上篇始死充充 而比 如有窮 · 息 以 人子張非不知 待之所 一章辭難 與怪 因

平公晉侯彪侍與君飮 非燕禮之 子皆與此惟師曠 安在怪之 作也燕禮質 鄭氏引燕禮解此 氏日悼子晉大 而進之 也杜實或作屠蒯三酌皆罰愚謂 明矣 入門奏肆 也 大村 歷階 故 李調二 擊 非 夏既 也 也燕禮當立實主卿 也燕禮 盈魯昭九年卒飲 面 君 獨侍 癡 獻 飲之 記 同反 飲食皆奏樂 hi 階 日請旅 樂闕獻 而杜黃聞鐘聲 晔 而 葅 酒與 侍臣鼓鐘 酌 m 杜贄 大夫士 也 羣臣燕 私 文

首供與音预防音房叉扶放反 眾如字為于偽反ヒ必季反共 之衰臣也為一 所以皆罰之葢用此以諷公也 堂謂殯於堂上西序也與知防預知防閑諫爭之事也 舉樂詔告也大師典奏樂褻嬖也近臣亦當規君防禁 **贅言平公飲酒非禮二子當言而不言巳** 放溢愚調平公見實三舉罰爵意其必有以開發之故 也大師也不以詔是以飲之也腐飲調何也曰調也君 重於疾日雜記曰君爲卿大夫比葬不食肉比卒哭不 不與之言費不言即出者以公之必將怪而問之也在 王者謂之疾日不以舉樂為吉事所以自戒懼大臣喪 **鄭氏曰開謂諫爭有所發起紂以甲子死桀以乙卯亡** 地区日 日次开公公 也非刀上是共叉敢與知防是以飲之也釋 一伙一 一食忘君之疾是以飲之也爾飲何也 不當言而言

侍者日 謂之杜舉 禮記卷十終 燕禮揚觶由來久矣豈自杜賷始乎 燕之禮於畢獻之後特舉解於君謂之杜舉言此 也平公飲酒私燕也自干公命母廢斯爵於是晉國 平公自知其過故命爵而自飲又命毋廢斯爵以爲後 鄭氏曰平公聞義則服揚解舉的於君也揚舉也毋廢 杜蕢始也〇鄭氏以燕禮大夫媵觶於公爲揚觯 世戒也畢獻謂燕禮獻賓獻君獻卿大夫士庶子皆畢 斯爵欲後世以為戒謂之杜舉因杜貴以爲名也愚謂 日寡人 灰字林音支 一元言《角头一 (亦有過焉酌而飲寡人杜蕡洗而揚觶公謂 死則必毋廢斯爵也至于今既畢獻斯揚觶 邑後學項琪校